

180.65
131 42
124

地理一
賦稅二
物產三

平涼縣志卷之一



地理



平涼置縣自後周以其經轂隴口扼西涼之吭西涼平定以之故名
古屬雍州平王東遷賜秦地岐以西是為秦至始皇列郡以隸北
地漢縣其地二之曰涇陽朝那領自安定郡後漢廢其名涇陽
者以朝那兼之而領如故晉仍焉後魏復置後漢所廢者如漢
故尋更其縣為長城隋以隸平涼郡唐隸原州廣德後陷吐蕃
貞元四年復廣明初又陷之復之自中和四年是為渭州治已又
廢五代唐復置平涼縣隸涇州宋曰渭州亦曰隴西郡慶曆初為
涇原路經畧安撫使治所已而升為平涼軍節度全為平涼府
元明踵舊曆清至今因之治在府城內東至八里塢涇川界一百里
西界化平六十里西北至白楊林固原界五十里南五十里界華亭
馬步嶺關北界鎮原龍王廟六十里東南八十里至崇信界西北
四十里至華亭為界東北四十里則鎮原界城周九里三十步高四
丈池深四丈門四東和陽南萬安西來遠北定北唐劉昌增築以備
西陲者元末李思齊部將袁亨分為南北二城明洪武初總兵平
涼侯費聚修如故是後重修之則康熙八年知府程憲知縣李煥
然也空同志云高嶺崆峒山川險阻雄視三關控制五原扼塞夷落
之地蓋古形勝之區強武之國也於天文入營室一度治凡二十五里
曰合蓋上里曰合蓋下里曰雙橋上里曰雙橋下里曰名村上里曰名

村下里曰南岔上里曰南岔下里曰西統上里曰西統下里曰聖化上里
曰聖化下里曰上佛上里曰上佛下里曰西延上里曰西延下里曰義田
里曰蛟龍里曰歸化里曰朱仁里曰更名里曰慕德里曰武安里曰崆
崙里曰平陽鄉今析五區曰一三四五

城枕南山曰翠屏麓有溝曰鮮家溝即今紙坊溝曰五龍泉溝內有東曰咀谷

即今水西曰小谷一曰南河曰鄭家溝即後谷今又西曰乾溝越十里為銀洞溝南

二十里為分水嶺山即可蓋山又西五里曰太統山又西十里曰石門

峽又西南二十里曰白崖山聚糧坪面太統山兩對峙者曰崆峒注出峽

中曰前峽面崆峒而對峙者曰老山注之北支出焉曰後峽凡峽水之

源皆有峻嶺暨華亭之化平白巖翠屏東南二十里曰石馬山又南二

十里曰馬嶺山北麓咸抵注川東十里曰大岔谷南二十里曰雕窠峽

馬嶺石馬之水道於注東與馬嶺對峙而最高者曰箭括嶺曰草

子山南抵武安苑凡六十里谷曰小岔又東曰甲咀又東曰四十里溝草

子東十里曰葉平原谷曰打火溝曰澗溝置白水驛東去縣七十里葉平

之東五十里暨注之回中咸命曰南山水皆北流入注城北里許涉注上五

里坂曰虎山原又北十里曰小蘆河原又北十里曰大蘆河原又北十里曰

淺澗原東南曰潘原谷曰潘口東北五十里曰草峰原北三十里曰佛堂

原又東北二十里曰卓村原暨鎮原之平泉橫河虎山西二十里曰杏原

又西二十里曰火龍溝西北曰大方山曰小方山暨固原之南川水皆東流

入注南北山中之川西暨華亭曰金佛峽唐曰彈箏峽化平六盤蕭

關之水咸入注

按城北陟五里坂今日梨花原又北十里越小蘆河谷曰三里原又北十里越大蘆河谷曰草峰原皆自固原境東來以次縱列於注水之陽綿亘數十里或百餘里惟草峰原入縣境最長北谷曰潘澗河谷谷底界鎮原谷口曰潘口東去縣九十里原谷之水皆南折陡落入於注少灌溉之利越潘口又東北二十里曰莎蘿原突入鎮原注川境亦縱列於注陽以上諸原統謂之北原地各平曠宜種植

崆峒山在縣西三十里唐十道志隴右名山之一也莊子載廣成子修養

此山黃帝嘗問道焉隋唐之際有僧曰仁智創明慧禪院即今真乘寺

於中峰之陽道法宏演徒侶盛衆唐太宗嘗賜給田地見寺是

後為西北叢林之一曆宋元明清以來宗風弗替佛刹遍諸峰

登絕巔以俯視層巒獻奇寺宇宏布寶塔矗立於中峰四台環

峙以回抱有似我佛擁蓮座以布法雨馬山之東岩有玄鶴洞

在東臺下西岩有西岩泉及琉璃泉今日黃龍泉味俱甘冽峰之最

高者曰翠屏峰頂有圓石累累若珠一名垂珠峰俗名屏風

山峰頂又有青龍洞雨後將晴雲輒歸洞亦謂之歸雲洞西

接筭頭東連太統

筭頭山在縣西四十里以形似名注水所出黃帝至崆峒登筭頭山

與崆峒山連

可蓋山在縣西南二十里元和志一名都盧山十六國春秋赫連定勝
光二年敗於陰槃登可蓋山屯兵於此寰宇記可蓋山亦涇源
與筭頭山連亘又為分水嶺山

太統山在縣西南二十里與可蓋山相接

天壇山在縣北五里一名卧虎山下有全真洞元道士賀志貞所居
其西為會盟壇唐貞元三年吐蕃詐請盟因築壇於此使渾瑊
與吐蕃會盟被劫處也

馬屯山在縣西晉太元十九年苻登奔平涼收集遺眾入此山姚興
率眾攻之其山南北二十里東西三十里

翠屏山在縣南一里

銅城山在縣南寰宇記在潘原縣西南三十里

壽星山在縣南六十里

孫邱谷在縣東南晉苻秦平涼太守金熙與姚秦將姚方威戰
於此敗之

苟頭原在縣東晉太元十四年苻登以後秦平涼城克之進據苟
頭原逼姚萇於安定不克是也

雕窠峽在縣南三十里兩山深險為群雕出入之路因名

涇河在縣西南筭頭山發源有二支南支出崆峒峽中曰前峽北

支出老山曰後峽合流至縣城西北里許疏為利民渠以分流

溉田東入涇川界舊志涇流去縣城西北一里遙陰疏內外中

三渠陽亦一渠東西二十里為磨以百數分流溉園但今河身既北傾去城較遠引疏頗不易不復見有昔日之勝惟存內外兩渠以輪磨灌田亦時有堤潰水涸之虞

頁河在縣西北二十五里六盤牛營蕭關之水皆東南流繞安國鎮橫流里許曰頁河東迤南入於注

清水河在縣東五里明成化末疏為利民渠東達白水凡南來水咸匯之以溉民田今已侵廢不可考矣

太平水在東郭船塢之間源出小谷亦曰浚谷谷高數丈縣南山諸泉匯焉流穿中山橋入磨渠河時有瀑漲漂溺之患明嘉靖六年水瀑漲漂沒東郭溺居民分子恭議陳君毓賢始築夾城以防禦之今船塢東關城是也又東二里曰咀谷今日水橋溝東西山水所匯穿咀兒橋流八里入注東西灌田數十頃今黃家園薛家馬頭單家川寶塔東一帶居民頗利賴之

湫峪水在縣東三里源出翠屏山又大岔水在縣東十里源出壽星山皆北流入注

潘谷水在縣東寰宇記在潘原縣東三十里流入注即今潘澗河也暖泉在縣北二里其水湧出四時溫暖潭深數尋昔時蒲荷甚

盛東流灌田三里許

柳湖在縣北里許湖畔柳樹千株綠陰成林湖光可掬宋知渭州蔡挺所種植也建避暑閣其中入明為韓藩苑園清置柳湖

書院今改建省立平涼師範學校湖水溢出與暖泉合流今北郭田園皆資灌溉

湟渠起縣城西繞城北東注五十餘里清光緒初左文襄公所闢旋以水低不能上田遂廢光緒末知平涼府善昌復浚治亦未竟今遺址尚存因書以告來者

按河渠水利民生所關志乘所宜詳也顧縣境河流無多淵泉細澤凡關汲灌悉備志於川流之下故於河渠不贅書焉

通梢關在縣東五里明時平涼衛軍戍守演武亭遺址猶存今於演武亭東闢飛機場廣約四百餘畝誠兵防重地

峽石鎮在縣西相近又有歸化堡唐貞元十四年歸化堡軍亂涇原節度使劉昌討定之元和中涇原節度使王潛自原州踰峽石鎮敗敵軍築歸化潘原二壘是也舊志歸化堡在縣西冊說今縣北六十里有潘原澗近時守禦處蓋即故潘原壘矣

安國鎮在縣西二十五里唐貞元七年劉昌築胡谷堡改名彰義堡凡域志平涼縣有安國耀武二鎮全屬化平縣通志安國鎮在縣西三十里鎮西有古城疑即彰義舊堡後改為安國或曰安國即胡谷之訛四達衝途實為要鎮

金佛峽在縣西六十里峽長二十里峭壁層峙不見天日中有金裝佛明嘉靖十九年於峽口築城復建清水紅沙二石墩於山上以增戍守實為險要

彈箏峽在縣西一百里汪水南流經都盧山中風吹流水常如彈箏
之聲行旅因謂之彈箏峽魏宇文泰在夏州馳赴平涼令杜
朔周先據此唐突厥入犯詔李藝屯華亭及此峽以備之建中
三年鳳翔隴右節度使與吐蕃盟以涇州西至彈箏峽為界
唐貞元七年劉昌城平涼闕地三百里扼峽口

按金佛峽即今三關口扼塞三關控制五原逼近縣境誠縣
防第一要隘彈箏峽即今崆峒前峽至化平之白石河峽中西上
踰隴即莊浪縣為通隴右天水一道宇文泰還自夏州遣其
將杜朔周先據此扼陳悅東犯之道也舊志謂彈箏峽即金
佛峽以當日形勢考之六盤之道尚未闢陳悅既退保水洛
去莊浪非遙東侵當不由金佛峽入也因書以資考證

虎山墩在縣北五里下瞰縣城最為要隘又蛟龍口墩在大盧河北原
上南去虎山十五里施家峴墩在小蘆河原上又火龍溝墩在安
國鎮北皆為要害

武威堡在東關外即今寶塔院塔高十餘丈圍以土城濶十數畝原
係佛寺僧侶住所也清初置正學書院旋改為武威堡遂為
防守重地

龍尾山墩在縣西北十里汪流至山尾與有河水合墩屹立兩水之間
控制左右河道屏蔽縣城尤今日防守要地

太平橋在縣東關跨太平水清曰清平橋今日中山橋

乘風橋在縣東三里跨岨谷水又名岨兒橋今日魚兒橋聲之訛也

通濟橋在縣東五十里鄆峴鎮

涇河橋在縣西五里跨涇水今廢迤西二里曰汽車橋用石起卧橋高

數尺甃水門其下以通水水漲則溢出其上西蘭汽車路由此經過

縣東十里曰十里舖又西去甲積峪五里曰二十里舖東去甲積峪五里曰

三十里舖又東十里曰四十里舖又東十里曰鄆峴舖又東十里村曰王家寨

六十里舖又東十里曰白水驛舊郵遞所也清季置郵政向司傳遞驛

遂廢白水東十里曰八十里舖村曰四溝又東十里曰花莊舖又東十里

界涇川曰八里塢直達涇川縣去縣一百四十里西循南山麓經三天

門寨子街繞崆峒峽至下寺界化平達化平縣一百里西北渡涇岸

曰十里舖又東去頁河五里曰二十里舖西去頁河五里曰三十里舖又

西十里曰安國鎮又西十里曰白楊林界固原經固原之瓦亭北達固

原縣去縣一百八十里西折踰六盤達隆德縣去縣一百三十里東南

二十里曰大岔舖又二十里曰陰涼舖又十五里越馬嶺界華亭達華

亭縣去縣九十里又東至四十里舖涉涇越草峰原至潘澗谷界鎮

原經鎮原之平泉橫河達鎮原縣一百三十里又東至白水陟南山越

葉平原界崇信達崇信縣一百里西蘭公路由涇川傍大道繞縣城

北越涇西上入固原界

平涼故城在縣西北東晉時苻秦置郡地形志涇州領平涼郡治鶉

陰縣有平涼城舊唐志云平涼縣舊治陽音川開元五年移治古

塞城元和志縣西北至原州一百六十里本漢涇陽縣地後魏為長城
郡長城縣地周建德元年割涇州平涼郡置平涼縣屬長城郡隋
開皇三年屬原州開元五年移涇水南貞元七年又移萬縣南坂
上即今縣通典平涼漢朝那縣城五代志平涼故屬涇州唐末權於
縣置清州而縣廢唐清泰三年以故平涼縣之安國權武兩鎮置
平涼縣府志五代置平涼縣今府城西三十五里安國鎮西古城是
也金始移治今治蓋古權武鎮地西去安國故城三十里

涇陽故城在縣西四十里史記秦靈公居涇陽漢置縣魏收志鶉陰縣
有涇陽城又隴東郡領涇陽縣後漢罷晉復西魏以後仍廢而涇
陽遂移於渭北

朝那故城在縣西北漢地志縣屬安定郡後漢及晉因之後魏未移置
今靈台縣界此城遂廢括地志朝那故城在百泉縣西北七十里元
和志在縣西四十五里胡三省曰漢朝那城在原州花石川是也明一
統志漢朝那城在縣東南

烏支廢縣在縣西史記涇北有烏支之戎地理志烏支縣屬安定郡郡
國志作烏支晉魏時徙置涇州界故縣廢胡氏通鑑註故城在彈
等峽。

百泉廢縣在縣西北八十里隋置屬平涼郡唐仍屬原州元和志縣西
至原州九十里後魏孝明帝於今縣西南陽音川置黃石縣隋改
為百泉武德八年移今所通典百泉漢朝那縣地舊志百泉故城

本姚秦之時黃石固赫連夏置長城護軍於此後魏因置長城
郡五代初縣廢

鶉陰廢縣在縣西南九十里漢置縣即今靖遠衛境後魏時移置
於此地形志平涼郡治鶉陰是也後周併入平涼縣

潘原廢縣在縣東四十里漢置陰槃縣在今長武縣境後魏移置於
此兼置平涼郡隋志開皇初郡廢縣屬安定郡舊志隋陰槃縣
天寶元年改曰潘原縣其廢縣在良原縣界新唐志潘原縣改
為彭信堡貞元十一年復置屬涇州中和四年移武州來治周顯
德五年廢新武州以縣屬渭州元初併入平涼縣

安邱城在縣東魏收志陰槃有安邱城晉大元十四年姚萇遣將姚
崇襲苻登輜重於太界登邀敗崇於安邱是也

靖夏城在縣境宋史政和六年夏人大舉入涇原靖夏城陷屠之而去
宋志是年賜涇原路席葦平新城名曰靖夏未詳屬何州郡

我羅城在縣北晉義熙五年赫連勃勃攻秦勒奇堡黃石固我羅城皆
拔之舊志黃石邱百泉廢縣我羅城在黃石東勒奇堡亦在縣北
又晉太元十四年苻登攻安定羗於築造堡克之舊志在縣西南

聚粮坪在縣境漢馮異征隗囂屯粮於此舊志云在太統山西南
六盤岩在縣西七十里唐時吐蕃入寇陷沒宣宗朝收復宋咸平中

知渭州曹暉置砦戍守

白草軍唐志白草軍在蔚如水之西至德中曾沒吐蕃後收復

新砦地名小蘆關宋開寶中置改今名

定川砦西控大盤山一帶宋太平興國中置

勤武堂在縣西北五里宋知渭州蔡挺建五日一訓兵於此編伍鉦鼓之法甚備儲勁卒於行間遇有奇則別為一隊甲兵整習常若寇至

柳湖避暑閣在北門外稍西可二百步宋蔡挺建夏月人多避暑於此

會景亭在嵯峒山又有參雲亭宋游師雄云此去陟參雲危棧愈踉蹌會景亦可喜周顧忘倦數

水樂台在縣北郡人能為水戲宋太守王素建此台觀之

暖泉城在北門外明嘉靖間韓昭王以千金築城三仞移山川社稷壇於內以備不虞磚甃門二樓複道相連亭榭十數花卉竹木千數環以清塘內重通畫舸植菡萏菱蒲蒿金鯽鯉魚鰲之屬萬計水陸之鳥群集翔泳頗極一時之盛今員郭氏舍田園是也其城頽圯猶有存者

萬竹園在暖泉城北明陶將軍所闢植東西臨注別墅臺榭池沼相望遊人絡繹不絕亦勝地也今歇馬殿一帶即其遺址

山莊在縣城西北隅昔周韓府內修建取土遂成崖壑因起石洞木橋樓閣亭臺花木深茂宛若山林扁曰城市山林

湫池在縣東北五十里其水四時常溢旱禱雨有應蘇林曰湫源在

安定朝那縣方四十里停水不流冬夏不增不減不生草木今涸

聚仙橋在崆峒山麓明韓王太妃鑿二石洞注水從橋下流行

銅鼎在崆峒山太和宮上載大明崇禎三年歲次庚子季春韓藩

太妃國母董氏韓王尊齋虔造監造內職官邵斌內使張誠

梁文散官王先裕云

賦稅

取民之法至近世而極矣地丁併而祖備合徵復於地丁之外賦力役厘金課而百貨無遺今復徵及米鹽之綱凡吾民之所資以為生者亦莫不有稅縣地丁原額八千七百六十四兩六錢七分八厘民國初料耗羨盈餘七錢於正額比舊額實加徵百分之七十七糧亦如是科加而民始困重以契稅稅捐百貨郵色牲畜菸酒印花等稅之徵取為數倍蓰丁糧而民重困又有公安教育建設費之徵派數比丁糧加多而民不堪命矣一邑之正賦既如是其重而其度支當於是取給附徵苛派之數應予豁免故於公安教育建設等費不之錄也

原額折正一等民地八千六十四頃二斗九畝五分九厘九毫該徵本折

糧一萬九千六百一十四石四斗三升五合內本色官學倉糧一千

八百二十一石二斗九升一合一勺該折徵銀一千三百四十二兩六分四

厘折色糧一萬七千七百九十三石一斗四升三合九勺該折徵銀二

萬七百六十二兩五錢四分八厘內

除節年荒蕪並開渠佔用地五千四十三頃二斗七畝五分七厘一毫該

免本折糧一萬二千一百九十石四升八合二勺外

膏熟地三千二十一頃二畝二厘八毫每畝科本折糧二升四合五勺七

抄五撮七圭六粟該徵糧七千四百二十四石三斗八升六合八勺內

每畝科本色官學倉糧二合二勺八抄二撮六圭三粟該徵糧六

百八十九石五斗八升四合二勺每石折銀七錢三分八厘四毫二忽

七微

該徵銀五百九兩一錢九分一厘每畝科折色糧二升二合二勺九

抄三撮一圭三粟九粒該徵糧六千七百三十四石八斗二合七勺每

石折銀一兩一錢五分三厘四毫四絲七忽五微

該徵銀七千七百六十八兩二錢四分一厘

又續增崆峒山糧銀一百三十一兩五錢七分二厘除荒一百一兩七錢

三分九厘外

實徵銀二十九兩八錢三分三厘

原額人丁三門九則不等共折下丁二萬一千七百二十七丁除優免

逃亡外實在二十四百五十三丁每丁徵銀六分一厘二毫六絲二

忽一微該徵銀二百一十一兩五錢五分二厘又

優免不盡優免丁銀四十一兩一錢三分一厘

二共銀二百五十二兩六錢八分三厘於雍正五年以糧載丁案內將

前項丁銀停止徵收按照膏熟地畝銀糧每兩均載丁銀一錢

六分八厘七毫四絲四忽六微

該均載銀一千四百一十三兩四錢八分五厘內除均攤解藥脚
價銀九錢七分五厘外

止該均載丁銀一千四百一十二兩五錢一分

以上地丁銀九千七百一十九兩七錢七分五厘

原額接收武安監牧地二千九百五十七頃四十三畝九分八厘內

除高山峻嶺沙磧石坎不堪耕種止共窮牧地一千一百四十一頃八十

一畝又節年荒免並被水冲崩地一千五百一頃六十二畝六分八

厘三毫該免銀九百兩九錢七分六厘外

實熟地三百一十四頃二分九厘七毫每畝科銀六錢

該徵銀一百八十八兩四錢二厘

原額收丁八百八十二丁除優免逃七外實在五百一十五丁每丁徵銀三

錢一分五厘五毫八絲四忽七微該徵銀一百六十二兩五錢二分

六厘於雍正五年以糧載丁案內將前項丁銀停止徵收按照

實徵地畝糧銀每兩均載丁銀一錢六分八厘七毫四絲四忽六微

該均載丁銀三十三兩九分四厘

又以糧載丁比舊額原減丁銀一百三十一兩四錢三分二厘在於原

減丁銀兩各州縣均勻攤補每兩攤銀四錢六分六厘七絲五微

該攤補七重丁銀六十一兩二錢五分七厘

以上地丁銀二千八百一十二兩七錢五分三厘

原額更名地二百三十四頃九十畝該徵本色糧四百六十八石一斗五升二合
折色糧七十五石二斗七升五合九勺折徵銀七十一兩五錢八分七厘
地租銀一百五十一兩二錢二分八厘內

除荒蕪地九十二頃五十八畝六分八厘六毫該免本色糧一百四十八石
五斗三升五合七勺折色糧十石九斗七升八合七勺折銀一十四兩四錢
四分地租銀二十五兩四錢七分一厘外

膏熟地一百四十二頃三十一畝三分一厘四毫每畝科本色糧二升二合
四勺五抄八撮六圭六粟七粒四顆折色糧四合五勺一抄八撮八粒
地租銀八分八厘三毫六絲六忽六微

該徵本色糧三百二十九石六斗一升六合三勺折色糧六十四石二斗
九升七合三勺每石折銀九錢五分一厘五忽六微四纖
該徵銀六十一兩一錢四分七厘

地租銀一百二十五兩七錢四分七厘

原額人丁七千八十丁每丁徵銀六分六厘該徵銀四百六十七兩二錢八分
四厘於雍正五年以糧載丁案內將前項丁銀停止徵收按照實
徵地畝糧銀每兩均載丁銀一錢六分八厘七毫四絲四忽六微
該均載銀八十五兩四錢七分三厘

以上地丁銀二百七十二兩三錢七分七厘本色糧三百一十九石六斗一
升六合三勺又

除被水冲壓不能墾復地二頃三十三畝該免糧六百九升銀四兩四

錢八分五厘外

止該實熟地一百三十九頃九十八畝三分一厘四毫

該徵銀二百六十七兩八錢九分二厘

本色糧三百一十二石六斗二升六合三勺

原額接收平涼衛屯地七百三十五頃三十四畝該徵本色糧四千八百六

石八斗三升三合六勺地畝銀二百八十九兩三錢三分二厘內

除荒蕪地二百九十九頃五厘該免糧一千六百九十九石六斗八升三勺

銀六十一兩三錢一分四厘六毫外

實熟地四百三十六頃三十三畝九分五厘內

地四百三十六頃三十一畝九分五厘每畝科本色糧五升四合七勺七撮

一圭六粟七粒三顆地畝銀五厘二毫二絲五忽五微五纖二塵七渺

該徵糧二千三百八十六石四斗三升三合三勺

銀二百二十七兩九錢四分九厘又

地一十二畝每畝科本色糧六升地畝銀五厘七毫一忽三微

該徵糧七斗二升

銀六分八厘四毫

原額屯丁七百三十一丁每丁徵銀六分三厘

該以糧載丁銀四十六兩五分三厘

又接收崇信縣實熟地二頃一十五畝每畝科本色糧四升九合九勺

五抄三撮四圭地畝銀一厘八毫五絲六忽七微

該徵糧一石七斗四升銀三錢九分九厘

又接收涇州實熟地六頃三十五畝五分每畝科本色糧二升一合二勺八抄七撮八圭地畝銀一毫九絲二忽七微

該徵糧一十三石五斗二升八合四勺銀一錢二分二厘五毫

又接收靈台縣實熟地三十二畝每畝科本色糧二升二合六勺二抄一撮八圭該徵糧七斗二升三合九勺

又接收鎮原縣實熟地五十五畝每畝科本色糧六升地畝銀四厘二毫二絲

該徵糧三石三斗銀二錢三分二厘一毫

又接收固原實熟地一頃一十一畝每畝科本色糧六升九勺九圭九顆地畝銀四厘二毫六絲五忽七微

該徵糧六石七斗六升銀四錢七分三厘五毫

又接收固原衛實熟地八十畝每畝科本色糧一升八合七勺五抄地

畝銀七毫六絲八忽七微五纖本色大草一十四兩二錢一分五厘係二十四兩為一斤十八斤為一束

該徵糧一石五斗銀六分二厘五毫本色草二束六分三厘二毫

以上原額並續收地四百四十七頃六十二畝四分五厘該徵本色糧

二千四百二十三石七斗五合六勺本色大草二束六分三厘二毫地丁銀二百七十五兩三錢五分九厘內

除改歸崇信縣實熟地八十五畝該歸本色糧五石一斗地畝銀

四錢八分七厘屯丁一十一丁該歸銀六錢九分三厘又

改歸涇州實熟地六十五畝該歸本色糧三石九斗地畝銀三錢七分二厘五毫又

改歸鎮原縣實熟地三頃六畝該歸本色糧一十八石四斗三升地畝銀一兩七錢六分七厘丁六丁該歸銀三錢七分八厘又

開渠道佔用熟地七畝七分四厘該免本色糧四斗六升四合四勺地畝銀五分二厘五毫又

被水冲崩不能復墾地二頃三十六畝該免本色糧一十三石九斗三合一勺地畝銀一兩六錢九分二厘外

止該實熟地四百四十頃六十二畝七分二厘該徵地畝銀二百六十九兩九錢二分五厘

本色糧一千三百八十一石九斗八合一勺

本色大草二束六分三厘二毫向未徵收

統共以上民收更屯實熟地三千九百一十五頃六十三畝三分四厘九毫該徵地丁銀一萬五百四十四兩三錢四分五厘本色糧二千六百九十四石五斗三升四合一勺又

除荒蕪豁免銀二千二十兩九分七厘糧一千三百五十七石五斗六升七合一勺外

實徵地丁銀八千五百二十兩二錢四分八厘又

節年新墾地畝應徵升科地丁銀二百四十四兩四錢三分

二共銀八十七百六十四兩六錢七分八厘於民國四年奉准每正銀一兩連同一五耗羨五五盈餘色括在內改徵銀一兩七錢

共徵銀一萬四千八百九十三兩一錢五分三厘內

正項銀八十七百六十四兩六錢七分八厘

耗羨銀一千三百一十四兩一錢三厘盈餘銀四千八百一十八兩三錢七分三厘

實徵本色糧一千三百三十六石九斗六升七合一勺以一五加徵耗羨糧二百石五斗四升五合一勺

二共糧一千五百三十七石五斗一升二合一勺於民國四年奉准全收折價每石連同民國二年調查各縣盈餘陋規提作官俸的款案內盈餘糧三斗一升色括在內並就最近二年市價平均計算折銀二兩

共徵銀三千七十五兩二分四厘

總計實徵地丁並糧折銀一萬七千九百六十八兩一錢七分七厘以一二合洋二萬六千九百五十二元二角六分六厘

除留鹽課銀一千一十四兩一厘歸教育經費申合洋一千五百二十一元零解洋二萬五千四百三十一元二角六分六厘

舊編戶二十五里里各有里長若干人以承司催納官惟按籍課最嚴而已更不煩而民不擾法甚便也因並次於地丁之末

按鹽課清初每年額銷花馬小池鹽引五千一百二十張雍正十

一年增五百張每張徵課銀二錢一分五厘有奇計徵課銀
一千二百一十一兩一錢一分咸豐初歸併地丁地有荒蕪課亦
隨之迄清本甯徵銀一千一十四兩一厘民國初每正銀一兩總
盈餘鹽課耗羨七錢為一兩七錢既而鹽法更章徵稅於池
免除舊引課亦遂廢是應於一兩七錢內減去一錢四分四厘
旋以教育缺費遂將應減之數仍隨地丁徵收為教育費
自應於地丁內每年截留銀洋一千五百二十一元

右於租庸之外無他征今復曰稅捐屬縣署經收者曰契稅原定
比額洋四千八百元曰牙稅共牙行五十二 科則不等十四年分實
收洋七百六十八元曰磨稅共磨七十一座科則不等十四年分實收洋
洋七十六元曰駝捐原定比額洋一千七百七十八元七角曰印花稅原定
比額洋二千八百八十元兩各局代售之數不在其內曰財廳委辦者曰
百貨統捐原定比額銀四千八百兩合洋七十二元曰郵色落地稅
比額未定十四年分實收銀一百九十一兩三錢合洋二百八十六元九角
五分曰散茶統捐比額未定十四年分實收洋三百元曰平注藥材統
捐原定比額七十二元曰牲畜稅原定比額銀三千六百兩合洋五
千四百元曰平注華皮毛公費原定比額銀二千三百五十兩合洋三
千五百二十五元曰菸酒膏稅原定比額洋二十元

以上均錄自縣財政全書民國十四年財政廳所製定也

順治七年免丁一萬七千九百一十四

康熙五十二年奉恩詔續生人丁永不加賦

雍正中免丁七百二十七

乾隆二十二年免起運銀二十二兩九錢一分四厘糧三石八斗八升五合九勺

乾隆三十年免起運銀一百六十六兩四錢零二厘糧七十三石六斗五升七合又十石零一斗一升

乾隆五十四年額免甘省四十七年至五十三年民欠地丁正耗並未完籽種口糧折色銀二十七萬九千餘兩糧二百一萬七千餘石草一千一百一十一萬餘束

乾隆六十年免起運銀五百一十三兩零三厘

丁戶清本二千八百有奇今戶一萬五千三百四十二丁口八萬九千五百三十九

縣於古界夷夏之間民數凋零固不中州若也明清以來漸蕃衍顧未幾而有同治之亂屠戮死七無噍類休養訖清末為戶二千八百有奇今增至一萬五千三百四十二戶丁口殆且十萬生殖之速一何至此改革之後中原多故隴上數十百城浮寄孤懸頻蹂躪於匪不自保而縣以地當要會武備粗完稍安謐故鄰封之民流寓於此以避難丁口因之增增然旋來旋往朝編入籍夕隨以去者比比皆是因書以俟後之重民數者考覈焉

大麥 青穎 麥 菟豆 胡豆 大燕麥 菜子 梁穀

芝蔴 菜豆 黍 稷 粟穀 糜穀 黃豆 黑豆

白豆 青豆 小豆 麻子 胡麻 番麥 稔 蕎麥

稻 包穀 蕓苔子 山藥 百合 薤 蒜 水菜菔

白菜菔 黃菜菔 茄 萵苣 蒜 芥菜 蔓荊 芹

菠菱 蕪荳 椒 羊茅 辣子 洋土薑 葫蘆子

茗蓬 金針菜 苦豆子 苜蓿 蒿 蕨 椿頭

蕘 灰苔 刀筋 瓠 西瓜 胡瓜 絲瓜 金瓜

窩瓜 木瓜 葫蘆 香瓜 刀豆 虹豆 扁豆

桃李 海紅 梨 花紅 鷄腿梨 无頭梨

秤錘梨 軟兒梨 櫨 櫻桃 核桃 棗 棠梨

石榴 桑椹 葡萄 軟棗 密果

林禽

松柏 檜 椿 樺 枋 樞 柳 楊 榆 皂莢

梓 槐 檉 竹 楓 桐

馬 驢 牛 山羊 綿羊 犬 豕 貓 狸 猴 狼

狐 兔 麝 豹 白鼠 黃鼠狼 鼯鼠 鼯鼠 獾

黃腰 鼯鼠 鼯鼠 貓 野鼠 鹿 刺蝟 鷄

鴉 鵝 鵝 雁 鴉 鶻 雉 鶻 班鳩 紅

嘴鴉 鷹 鷂 鷂 鷂 烏鴉 寒鴉 鳩 鴉

燕 馬燕 鶯斯 鳩 雀 山雀 水雀 蝙蝠 黃

鸚 鴉 鴝 鴛 班子 鷓鴣 斥鴳 啄木 玄鶴

鷓 練子 鳧 鷓鴣 鷓鴣 隼 鸚鴣 叫霜

阿亂堆 臭號蟲

魚 鯽 桃花 鱗 蠍 虎 鼈 蛇

蜜蜂 野黃蜂 地窩蜂 野坊 蝴蝶 蛾 促織

蟲 蜂 蟻 桃蜂 蠶 蟻 莎鷄 丘蚓 蟋 娘

蟲 草 蠶 蟻 螻 土 鼈 蜚 蠊 蟾 除 蝦 蟻

蜈 蜈 蚪 蚪 蚰 蚰 水 蛭 蜘蛛 蝸 牛 蠅 蠍

蚊 蟻

甘草 麻黃 芍藥 薄荷 葶藶子 桔梗 蒼耳

馬齒莧 地骨皮 五加皮 荊芥 益母草 馬蘭

續斷 郁李仁 柴胡 前胡 馬兜鈴 紅花 車前

子 淫羊藿 黃芩 防風 萱草 秦椒 劉寄奴

蚤 休 蒲公英 穀精草 夏枯草 蓖麻子 馬鞭草

雞冠花 骨碎補 貫眾 大戟 旋覆花 狼拔草

葳靈仙 商陸 牽牛 土大黃 扁蓄 木賊 藜蘆

射干 甘遂 葶藶子 白欬 白菝 紫蘇 葶草

大黃 青柏子 茵陳 羌活 甘菊 知母 貝母

細牙 山艾 蟲膏 牛蒡子 款冬花 玉不留行

折莫子 藍膏 草馬頭 半夏 小茴香 金銀花

馬勃 酸棗仁 白頭翁

牡丹 芍藥 玉簪 薔薇 萱草 剪紅羅 罌粟

地棠 葵 紫荊 麗春 石竹 探春 龍柏 海石

榴 紫花 櫻桃 剪金 鳳仙花 荷花 海棠

鷄冠花 山丹花 木槿 金盞 百合 茉莉 水紅

月季 素馨 刺梅

菊黃中央土正色菊本黃上品者得大黃菊 金鶴頂

赤金盤 玉綉球 黃鵝毛 御愛黃 中品者得火煉金

佛面金 蜂窩黃 大金錢 金簪頂 下品硬幹黃

赤南方火正色絳紅紫以深淺別也非如服之間色也上品得絳

紅袍 正紫 紅鵝毛 海東紅 早紫 中品得狀元紅

下品金眼回 白西方金正色凡花白者皆靚潔而香菊為甚

皆可釀酒入葯上品得牙白 青心白 白鵝毛 白蜂窩

金盞銀臺 粉花得人之正色清且麗者也上品得銀鶴頂

荔枝 大粉息 中品得玉蘭交 虞美人 八川菊

八月蜂窩

